

ORATIO, 155.

Tâm

ROMANARVM,

Quàm

SVECICARUM GOTHICARVM

QVÈ SS. LEGVM

Historiam continens;

Quam,

Deo Duce atq; Auspice,
In Regia Academiâ GUSTAVI-
anâ, qua Dorpati est ad Embeccam,
26. Julij, Anno 1637. in Auditorio Majori
publicè enarrabat

HERMANNVS REDERVS,
Dorpatensis, Livonus.

DORPATI Typis Acad. An. 1637.

26.873
Vitam, Incolumitatem & Felicitatem.

B

Ræclarum Jurisprudentia est elegium, quod ad Civium salutem, Civitatis Incolumitatem, Hominumq; beatam & quietam vitam sit inventa. Etenim, Jurisprudentia est, que, annuente Deo, urbes peperit; quæ dissipatos homines in societatem vitæ convocavit, eos inter se primum domiciliis, hinc legitimis conjugiis, tuis Literarum & vocum communione conjunxit: qua salutaria statuta invenit; qua optimorum morum & sane disciplina fuit Magistra; qua malorum hominum terrorem sustulit, & vitæ tranquillitatem generi humano concessit; qua honestæ Virtuti præmium, & vitio paenæ statuit; qua sancta & necessaria ad socialem hanc vitam invenerit, inventa ordinavit atq; constituit; qua efficit, ut, Deo annuente, Principatus, Ducatus, Regna atq; Imperia, sint justæ Politia; qua tam utilis, ut, eâ sublatâ, nemini posse esse exploratum, quid suum; quid alienum; quid à patre acceptum; quid liberu porro relietus; quid inter mortales aquabile, quidq; concors futurum. Proinde, uti Jus, sic insimul Iuri Historiam meritò magnificimus, qua nobis aperit, quomodo Juris Religiosissimi in summo illo vita Humanæ Theatro sedentes, ambigua causarum facta deremerint, lapsa erenerint, fatigataq; reparaverint.

Ceteræ, omnibus incerere consilii publici atq; privatù unicè cupimus atq; operam; verum, cùm illud condito bac humana nostra non admittat; Iuri est Historia, que eorū seculorum consilia atq; acta conjungit; maximorum Imperiorum atq; Regnorum auspicia, progressum, & æquabilitatem operit: Malorum tam publicorum, quam privatorum causas manifestat. In omni ardore magnâq; re, quid aliq; sint periclitati, & quo in discrimine atq; certamine nos præcesserint, euarrat.

Hinc, cùm omnes universam Iuri Historiam scire atq; cognoscere meritò defiderent: imprimit vero gloriösum fit, eius Iuri Historiam, in quo versamur, non ignorare; Pulere id ipsum animo suo revelvit, Doctrinâ, Pietate & Humanitate conspicuus Dn: HERMANNUS REDERUS, Dorpatensis, Livonus; & quod bene vertat Deus ter Opt: Max: cras horâ 9. matutinâ, tam Romanarum, quam Svecicarum Gothicarumq; SS. Legum Historiam enarrabit: Idq; eam ob causam pricipue, quod Verè Magnus, serenissimus & Potentissimus Princeps



Est. 14060

ac Dominus, DN: GUSTAVUS ADOLPHUS, Svecorum, Gothorum, Vandalorumq; Rex; Magnus Princeps Finlandiae, Dux Esthonie & Carelia; Dominus Ingriae &c. Regiae hujus Academiae GUSTAVIANA, quæ Dorpati est ad Embeccam, Fundator Gloriosissimus, Dominus & Rex quondam noster Clementissimus, Nunc Beatissimus; inter cetera inclite Academias hujus statuta, magnificentissime disposita, ut Dn. Professores Juris, non modò Institutiones Juris Civilis; verum, insimul etiam Ius Civile Svecorum explicant, & ejus cum Romanis Legibus collationem instituant, & ex Iure Civili Romano & Canonico selectas iuventuti Questiones proponant.

Per illustrissimum atq; Generosissimum Dominum, Dn: BENEDICTUM OXENSTIERNA, L. Baronem in Ekebyholm & Söderbo/ Dominum in Rappin / &c. S. Regia Maj. Sveciae Archistarularium, & per Livoniam atq; Ingriam Generalem Gubernatorem, Dominum nostrum Gratiissimum, humiliter;

Admodum Rev. Nobiliss: Consultiss: Experientiss: Clariss: & Excellentiss: Dn. Academias Patres, Collegas, Fautores & Amicos nostros observanter colendos, reverenter: Nobiliss: Doctiss: & Humaniss: Dn. Studiojos, amicè invitatos & rogatos volumus, ut dicto tempore adesse haud dedigneatur. DEO Duce atq; Auspice, cognoscere, quod genuinum Jurisperiti sit officium, Præterita scire & cogitare, Presentia ordinare & dijudicare; Futura providere & scienter in omnes eventus perspicere. Datum Dorpati, 25. Iulij, Anno 1637.

V. J. G.

humiliter,

V. R. C. & D.

observanter,

V. H. & P. amicè colens,

LAURENTIUS LUDENIUS, Ph. & J. V. D.
Professor Juris, Orator & Poës: ac pro
t. Universitatis Rector.

ORA-

155.



ORATIO,
tam
ROMANARVM,
Quam
SVECICARVM GOTHI
CARVMQ; SS. LEGVM
Historiam continens.



Er Illustris ac Generosissime Domine, Dn. BENEDICTE OXENSTIERNA, Liber Baro in Ekebyholm & Söderbo/ Domine in Rappin &c. S. Reg. Maj. Sveciae Archistarularie, per Livoniam atq; Ingriam Generalis Gubernator, Dominus Gratiissime:

Magnifice Dn: Rector, Reverendi, Nobiliss: Consultiss: Experientiss: Clariss: Ampliss: Prudentiss: & Spectatissimi Viri, Patres hujus Academias incliti; Hospites Honoratissimi: Tuq; Studiosorum Corona Nobilissima, Florentissima:

Si Aristoteles æternam laudem reportavit, quod Propri.

A 3

Alexan-

Alexandrum Magnum admonuit, ut prædecessorum a-
cta ad memoriam reduceret: Certe & illi Dn. Professo-
res, qui nos adhortantur, ut cognitionem genuinam
Juris à condito Mundo, usq; ad hæc tempora repeta-
mus, laudandi erunt.

Etenim, ut bonus Rex, è præteritis addiscit, quid in
similibus casibus ex usu siet: ita ex Historijs Studiosus
Juris cognoscit præterita, quæ dant certum documen-
tum ad præsentia & futura.

Sanè, tales Historiæ libentius nos ad lectionem
propositæ in Legibus materiæ producunt: & cùm ibi
venerimus, evidenter præstant intellectum.

Nos Cyri dictum apud Xenophontem miramur,
qui moriturus filios suos ita alloquebatur, ἐν τῷ πεγ-
κυνέων πατέτε: αὐτὴν δὲ οἴσην διδασκαλία: Discite ex ijs,
quæ antè facta sunt; hæc enim est optima discendi ratio.

Et quis Historiam Juris nollet addiscere, cùm, si ad-
sit, è pueris faciat Senes: si verò absit, è senibus faciat
pueros. Dùm enim facit, ut præteritis nō minus videa-
mur interfuisse, quam præsentibus; item, ut illis perinde
possimus uti, ac nostris: an non è pueris velut se-
nes efficit? contrà; Qvis nescit, quod Sacerdos ille Æ-
gyptius, Solonem & Græcos, quod recordationem
præscæ memoriæ non tenerent, pueros appellaverit?
Nec verò vitio mihi verti debet, quod sic exordiar:

Fateor, quod pulcherrimè dictum sit ab antiquita-
te, πάτε τὰ παρόντα; Age præsentia; quod ipsum mul-
ti dum audiunt, putant sufficere ad Juris cognitionem,
si illa Jura noverint, quæ pro tempore in usu habentur.

Alij eò feruntur, ut dicant, prisco illo avo Juris
cunabula fuisse incœpta ab antiquis fabulis; quas ad-
discere, per se est improbandum.

Nec desunt, qui ex Institutionum porrò Proœmio
infe-

136. p
Inferant, quod apud seculum illud prius, cùm Studios
ad studium Juris animum applicarent, eorum statim
animi omne inutile, omne perperam possum, & quod
in ipsis rerum non obtineret argumentis, acciperint.

Veram, optimus est Legislator Divus Justinianus,
qui nos docet, quod Studiosi tria scire debeant; 1. Quod
antè obtinebat. 2. Quod postea desvetudine inumbrat-
um; & 3. Quod Imperiali remedio illuminatum.

Medium
1.
d. l. §. 5.
15.
Sic in Institutis de Attiliano Tute docemur, quæ
autè Justinianum obtinebant; scilicet, si cui nullus
omnino Tutor esset: ei dabatur in Urbe quidem à Præ-
tore Urbano, & majore parte Tribunorum plebis Tu-
tor ex Lege Attili: in Provincijs verò, à Præsidib⁹ Pro-
vinciarum ex Lege Juliæ & Titiæ. Postea ex his legibus
Tutores pupillis desierunt dari, posteaq; primò Con-
sules pupillis utriusq; sexus Tutores ex inquisitione da-
re coepérunt; deinde Prætores ex Constitutionibus.
Nam suprà dictis Legibus, neq; de cautione à Tutorib⁹
exigenda, rem salvam pupillis fore; neq; de compel-
lendis Tutoribus ad Tutelæ administrationem, quid-
quam cayebatur.

Deinde additur Jus, quod jam tempore Justiniani
ferè desvetudine inumbratum; dum inquit: Hoc jure
utimur, ut Romæ quidem Præfectus Urbi, vel Prætor se-
cundum suam jurisdictionem: in Provincijs autem
Præsides ex inquisitione Tutores crearet; vel Magistra-
tus jussu Præsidū, si nō essent magnæ pupilli facultates.

Proponit tandem Imperator Jus, quod Principali
remedio illuminatū: dùm inquit; Nos per constitutio-
nem nostram hujusmodi difficultates hominum rese-
cantes; nec expectata jussione Præsidum, disposui-
mus, si facultates pupilli vel adulti usq; ad quingentos
solidos valeant, Defensores Civitatum unā cum
eius.

Conclus:
Exord: 6
Trans: ad
Narr:
Narrat:
Antec: 1.

II.
Vide Proœ:
Instit: §. 8.

III.

³² ejusdem Civitatis Religiosissimo Antistite; vel alias publicas personas, id est, Magistratus, vel Juridicum Alexandrinæ Civitatis, Tutores vel Curatores creare: legitimâ cautelâ secundum ejusdem Constitutionis normam præstandâ, videlicet eorum periculo, qui eam accipiunt.

^{III.}
^{2. lib. 1. tit. 2. l. 1.}
^{Consequens}
^{I.}
^{II.}
^{Conclusionis}
^{Narr. &}
^{Trans. ad}
^{Propos.}
^{Petitio.}
^{Expos. ejusdem}
^{Historia I.}
^{de Origine}
^{Juris antea}
^{Lapsus.}

Taceo, qvod in Digestis plenè doceamur: Necesarium esse, ipsius juris originem repetere, cùm id perfectum sit, qvod ex omnibus suis partibus constat.

Hinc frugi J&i, semper id unicè egerunt, ut Historiam Juris, ipsi Legum explicationi præmitterent.

Nostri insimul sunt Consultiss: & Clariss: in Regia hac Academiâ GUSTAVIANâ, quæ Dorpati est ad Embeccam, Dn. Antecessores, qui idem suo nos docent exemplo, & viam dexterimè, Deo annuente, nobis demonstrant.

Qvorum vestigia dum seqvi, in se pium & pulcrū:

Qvæso Vos, A. I. ut mihi, illustrem illam Historiam tam Romani, qvam Svecici Juris, juxta naturalem successionis seriem, brevi Oratione enarrare meditanti, exigui temporis attentionem concedere, & Juris rationem paucis insimul mecum cognoscere haud dignemini.

Qvod dùm tribui concediq; mihi à Vobis sentio; sine intermissionibus recordor, qvod sumnum decus sit studij Juridici, qvod summè Bonus fuerit erga Adamum Creator noster; qvod eum, cùm non esset, creaverit: & qvod Adamum, non pecus, aut creaturam insensibilem; sed eam creaturam fecerit, qvæ Deum posset nosse & amare, & in Justitiâ, non modò in Cœlis æterna, sed & in terris, temporalia posset considerare.

Etenim,

^{159.}
^{Rati.}
^{Ges. 1. 2.}
Etenim, Deus Ter. Opt: Max: primū ex nihilo ^{Rati.} Cœlum & Terram creavit: postea distinctis & perfectis rerum formis, Hominem, qui rebus omnibus præcesset, formavit: & ad eum (ut secundum rei cujusq; propriam naturam commodè imperaret, & juxta cujusq; convenientem modum prospiceret) adduxit animalia cuncta, ut videret, qvid vocaret. Homo ultimus creatione, sed perfectius creationis opus, centrū totius Universi, & in quo omnes circumferentia, omnesq; rerum naturæ conjunguntur, & præcipuum qvod habent contribuunt: Proinde, infeudante Deo, Adamus, qui orbis dominum, uti Vasallus major susceperebat; qviq; nascenti posteritati præesse debebat, rerum omnium cognitione, ab initio in sui primordio ornatus à Deo fuit. Sciebat ille, qvod bonum erat in singulis; noverat discriben honestorum & turpium: naturaliter propendebat ad bonum; & concreatum habebat Sanctitatis habitum: nulla erat in Adamo pugna appetitus cum ratione; omnium virium erat consensus: nulli aderant affectus vitiosi & inordinati; sed omnes, qvoad excitationem, qvoad durationem, qvoad intensionem & remissionem, subiiciebantur potentia rationali.

^{Hist. II. de calamitate in Lapsu Occupatio, Rati.}
Verum dicat qvis, per tristem lapsum Adami, in qvod non malum à Satanâ deceptus incidit, & uti ars illa æqui & boni defecit?

Etenim, invidia hostis, qui ob superbiam de loco præstantissimo beatitudinis præceps in abyssum impietatis actus fuerat, Adamus est deceptus, boni scientiam & lumen intelligentiæ; qvod ex purâ animâ mentem illustrabat; per introductum à Satanâ malum, perdidit; & in quantas, ah, tenebras mens humana pervenit!

B

Verum

Verum in mundanis negotiis, quæ intellectui & voluntati humanæ subjiciuntur, remansere in naturâ humanâ reliquiæ, & quasi quædam scintillulæ concretae Imaginis Divinæ, quas habitus naturales; item notitiae naturales; atq; principia nobiscum nata; Philosophi vocare solent.

Sic enim in Theoreticis novit homo; Qvod totum sit majus quâlibet suâ parte; Qvod naturaliter ex nihilo nihil fiat; Qvod ex aliquo fata liquid; & quæ sunt Axiomata consimilia.

Sic in Practicis Lex Naturæ dicitur homini; Esse Deum, & Deum honorandum esse: Vitæ nec suæ, nec alienæ nocendum esse: & quis cuncta enarraverit principia connata?

Et voluit Deus illas reliquias Imaginis Divinæ in naturâ humanâ remanere, ut esset differentia inter animalia bruta, & rationalem creaturam: Ut remane ret in naturâ humanâ aliquod de Deo testimonium; Ut esset quædam admonitio, nos ad aliam, quam ad terrenam hanc felicitatem esse creatos; Ut sciremus, ad certam regulam obedientiæ nos factos, quæ regamur: atq; ut ex his Notitiis, tanquam è fundamento, aliæ Scientiarum & gubernationum Leges exstruerentur.

Pulcrè hinc dicimus, qvod prima nostri Juris origo, sua incunabula debeat Deo & Legi Naturæ.

Sanè quis negaverit, qvod incunabula Juris nostri Deo debeamus?

Etenim certum est, qvod omnes homines mentis humanæ compotes, in mente suâ inveniant Jus naturaliter à Creatore inscriptum & insitum, qvod Justum & Rectum est, probans; & Injustum atq; non Rectum conde-

140
condemnans. Atq; hinc etiam, licet quis improbè velit cum Nerone & aliis Tyrannis, post perpetrati onem Sceleris, torquente jam conscientiâ, hujus Juris scintillulas excutere, ijsdemq; se carere posse optaret: tamen, tam arctè inhærent in cordibus scriptæ, ut inter se reddant testimonium cogitationum, aut invicè se accusantium, si quid malè factum; aut etiam defendantium, si quid benè factum fuerit.

Sic Homo, qui consensum præbet Juri, humano ^{Matis.} cordi divinitus inscripto, in conscientiâ suâ sentit, qvod turbetur aut absolvatur conflictu internarum harum notitarianum!

Qvis verò hinc ibit inficias, qvod Legi Naturæ, Ju- ^{Trans. 2.} ris nostri primordia, qvoad Jus Personarum, Rerum, ^{memb.} & Actionum, debeamus?

Etenim, Natura ipsa in Jure Personarum constituit naturale illud imperium, quo homines ab hominibus gubernantur: cuius imperii fons meritò jus illud habetur, qvod est de gubernatione Parentum, & obedi- entiâ Liberorum.

Latiū per species id ipsum explicans Cicero, Non, ^{Expeditio.} inquit; nobis solum nati sumus; Sed partem ortus nostri sibi vindicat Patria, partem Parentes, partem Amici.

An ignoratis, qvod ipsa Natura præscribat Jus Re- ^{2. Memb.} rum? quandoq; videm rebus privatis annexa est immunitas; ut, Quæ mutuò damus, ex ijs nihil speremus nomine accessionis. Qvis in orbe terrarum non ha- ^{Ratio 1.} bet perspectum, qvod bonis Paternis hæc immunitas adhæreat, ut Liberi, defunctis Parentibus, eadem pos- sideant?

Est Lex Naturæ de Jure Rerum Publicarum nobis dicti-

dictans; Qvod Publica non debeant fieri Privata: & qvod sine violatione Juris hujus, Fluminum usus sibi soli quis non facilè ascriperit.

Et, ut verbo dicam, cum Jus Naturale velit, ut Quælibet Res in Naturâ, quantum potest naturali inclinatione, appetat conservationem sua speciei: quam cum non aliter, atq; injustæ cœdes turbatioq; conjugij, injustæ illæ facultatum direptiones destruant; Qvis hinc tacitâ secum mente non intelligit, Qvod neminem lädere in vitâ communi debeamus?

Hinc Jus Actionum Naturale est, qvod dictat, qvod nam sit officium Judicis & Actorum in Foro atq; curia.

O Judicis officium pulcerimum!

Sic in prisco illo ævo Adamus, & ejus filii Patriarchæ, statim siebant Patresfamilias, alendo; Reges, gubernando; Sacerdotes, ad Pietatem instruendo.

Intellexit hoc ipsum Theodosius Imperator, qui Judicem præclare instruxit, dicens; Qvod debeat esse Innocentia Templa, Temperantia Sacrarium, & Arca Justitia.

Judicis cùm sanctum sit officium; Sanè Reus & Actor, hoc eodem Jure docentur, ut qvod alteruter eorum sibi velit fieri, idem & alteri præster; memor, qvod (prout prætor ait) nihil tam naturale sit, quam, Qvod quisq; juris in alium statuit, ut eodem Jure ipse quandoq; utatur.

Qibus itâ cognitis, concedi mihi precor, si dixer, qvod Jurisperiti Gentiles, ex parte id intellexerint, quando Leges suas à Dijs immortalibus se accepisse, tradiderunt.

Sic Minos, qui primus Cretensibus Leges dedit, &

ob insignem, quam in terris exercuit Justitiam atq; se- veritatem, post mortem à Poëtis factus est Inferorum Judex; juxta illud Virgilij,

Quasitor Minos urnam movebit.

Minos, inquam; ille, quis ignorat, qvod identidem dixerit, ab antro Jovis suas se Leges accepisse?

Lycurgus, Lacedæmonius Princeps & Legislator, suas Leges ad Oraculum Pythium, non sine subiectorum civium admiratione, retulit.

Taceo Numam Pompilium, à Romulo secundum Regem Romanorum, qui ab Egeriâ, Nymphâ nemoris Aricini, suas se accepisse Leges, gloriatus est.

Nos, qui Christiani sumus, novimus, qvod in Ecclesiâ Dei ante & post diluvium, Divina illa solidi amoris Lex effulserit; Diliges Deum tuum super omnia, & proximum tuum sicut te ipsum: Et novimus, qvod Pij Patres, varias conclusiones exinde deduxerint, quas domesticis suis proposuerunt.

Etenim pij Patriarchæ id egerunt constantissime, ut Deum unicè diligenter.

Adam, Seth, Enos, Cainan, Malaleel, Jared, Henoch, Methusala, Lamech, Noachus; Semus, Abraham, Isaacus, Jacobus, & alii pij Patres, quid aliud egerunt, quam ut omnes suae actiones ad Dilectionem Dei referrent?

Interim, proximum diligere; Pij illi Patres non repudiaverunt.

Henoch, ut proximis suis prodesset, publicè cepit Verbum Dei annunciare.

Abraham & Lot, cùm affuerent divitiis, & esset substantia eorum multa, nec possent habitare communiter: indeq; rixa fieret inter Pastores gregum Abrahami

141

Ratio 3.
Gen.
neralis.

Ratio 3.
membr.

Subsumpt:
membr.

Ratio 1.

2.

Subsumpt:
II. Memb.

Hist. IV. Ab
Ethnici.

Ratio 1.

Hist.

Membr.
Ratio 1.

Trans: 2.
Membr.

Ratio 1.

brahami & Loti : è genuino veræ dilectionis fonte, dixit Abrahamus ad Lotum : Ne, quæso, sit iugium inter me & te, & inter Pastores meos, & Pastores tuos : Fratres sumus. Eccè, universa terra coram te est : rede à me, obsecrò ; si ad sinistram ieris, ego dextram tenebo ; si tu dextram elegeris, ego ad sinistram pergam.

Nec illa in Abrahamo dilectio erga vicinos & peregrinos cessavit. Sodoma, Gomorra & alia Civitates, cùm essent exurendæ ; immortali amore erga homines ibi habitantes exardescere cepit, & sexies pro incolarum incolumentate apud Deum intercessit, prout sacrorum Bibliorum Pandectaræ eloquuntur.

O exempla diligendi proximum verè Heroica & singularia !

O præceptum de amore Dei & proximi mole parvum, sed pondere gravissimum, è quo conclusiones pulcherrimæ enatae sunt !

Sic hinc Veteres nominarunt erga Deum, Pietatem, Religionem, Charitatem, Gratiarum actionem ; Et quod obedire Deo, secundum Legem naturæ sit proprium Hominis opus, concluserunt.

Quin imò, quandò rem penitus inspicimus, intelligimus ; quod juxta dilectionis præceptum conculserint ; Quod chari debeat esse Liberi, chari Parentes ; chari Propinqvi, & quod omnium charitates Patria una sit complexa.

Postea cùm Abraham juxta mandatum Dei ex Ur Chaldeorum descenderet in Canaan : & indè ille, ut & postea alii Patriarchæ, in Ægyptum venirent : Fieri aliter non potuit, quæm ut Ægyptii ab Hebræis Legum pulcherrimarum rudimenta acciperent.

Etenim,

Etenim, Abraham iussu Dei è Patria suâ venit in Ca-naan ; ibiç summa annonæ caritas cùm ingruisset, de-scendit in Ægyptum ; ubi verisimile est, quod è conver-satione cum Rege Pharaone, qui multis beneficiis A-brahamum affecit, plurimum Rex Pharaon in optimis Legibus profecerit.

Postea, cum & Josephus in Ægyptum venisset, & Pharaonis omniū de septem pingvibus, & de septem macris vaccis indicasset ; Pharaon Consiliarios Aulicos convocavit, & dixit eis : Num invenire poterimus ta-lēm Virum, qvi Spiritu Dei plenus sit ? Dixitq; deindè ad Josephum ; qvia ostendit tibi Deus omnia, qvæ locutus es ; Numq; Sapientiorem & consimilem tui invenire potero ? Tu eris super domum meam, & ad tui oris imperium cunctus Populus obediens : uno tan-tū Regni solio te præcedam. Dixitq; rursum Pharaon ad Josephum : Eccè, constituite super universam terram Ægypti. Tulitq; annulum de manu suâ, & de-dit eum in manu Josephi : vestivitq; eum stola byssinâ, & collo torqvem auream circumposuit. Fecitq; eum ascendere super currum suum, & jussit præconem clama-re, ut omnes coram eo genu flecterent, & præpositum esse scirent universæ terræ Ægypti. Dixitq; insi-mul Rex Ægypti ad Josephum : Ego sum Pharaon, absq; tuo imperio non movebit quisquam manum aut pedem in omni terrâ Ægypti.

Ex qvibus profectò intelligere licet, quod Josephus Leges in Ægyptum transtulerit plurimas.

Tandem, cùm Patriarcha Jacobus cum totâ suâ fa-miliâ in Ægyptum iret, ibiç cresceret, ut ipsius poste-ri quasi germinantes multiplicarentur ; aliter fieri non potuit, quæm ut Ægyptij discerent ab Israëlitis, qvorum creberrimâ utebantur conversatione.

Vix.

W. P. 143.
Ratio 1.
Matto.
Transficio.
Hist. II.
Ratio 1.
Prin.

Vixerant eum Ægyptiis Israëlitæ; qui, postquam manu Omnipotens Dei ex Ægypto educti sunt; ipse Deus Leges promulgavit, quorum cognitio in Ægyptū, velut in terram vicinam, facile quod pervenerit, nemo dubitare poterit.

Etenim, postquam venerant Israëlitæ in desertum Sinai; & jam aderat tertius dies, & mane inclaruerat; eccè ceperunt audiri tonitrua, ac micare fulgura; & nubes densissima cœpit operire montem, clangorq; buccinæ vehementius perstrepebat: & timuit populus, quierat in castris. Totus autem mons Sinai fumabat, eò, quod descendisset Dominus Deus super eum in igne, & ascenderet fumus de eo quasi ex fornace: eratq; omnis mons terribilis. Et sonitus buccinæ paulatim crescebat in majus, & prolixius tendebatur: Moyses loquebatur, & Deus respondebat ei: & non sine miraculis circumstantiis, promulgationem Legis Moralis tunc acceperunt Israëlitæ.

Quæ res, quia cum tantis miraculis fuit conjuncta, fieri aliter non potuit, quam ut Ægyptiis statim introsceret, atq; id eò magis, quod exiverat una cum Israëlitis ex Ægypto multitudo terræ promiscua.

Populus Israëliticus suas leges immediatè à Deo, jam acceperat; & Ægypti ab Israëlitis:

Hinc verisimile est, quod Græci, Sapientes illi Legum Latores, ab Ægyptiis suas Leges mutuati sint.

Etenim, cum Draco Leges dedisset, non atramento, sed Sangvine scriptas; Solon in Ægyptum pervenit, ibi q; pulcerrimas addidicit Leges, quas Atheniensibus dedit, & eas, quas Draco tulerat, præterquam quæ de cœde erant, omnes ob magnitudinem poenarum, in ijs contentarum, abrogari curavit,

Princeps quoq; Lacedæmonius, & Legislator ille Lycurgus, similiter creditur, quod salutares suas Leges, quas Lacedæmoniis tulit, ab Ægyptiorum Sacerdotibus acceperit.

Pythagoras, cum Samius esset, patre Damaratho locuplete ac negotiatore natus, in Ægyptum primò, mox in Babyloniam, discendi cursus Syderum gratiæ profectus est. Indè regressus, in Cretam & Lacedæmonem pervenit, ut Lycurgi & Minois inclytas è tempestate Leges, agnosceret. Deniq; in Italiam transmittens, Crotone consedit, ubi populos assuetos Luxuriæ, autoritate & legum doctrinâ, ad frugalem vitam revocavit. Matronas ad pudicitiam; Juvenes ad modestiam, cohortari cepit; cujus passim Legum Sanctitate ac vita abstinentia inducta frugi mulieres, auratas vestes, ornamentaque lasciviora, in Templo Junonis consecravere.

Nec silentio hic involvendum, quod decem illæ Sibyllæ, multifarias insimul Leges circa res Divinas & Humanas proposuisse tradantur.

Sic enim prima, de Persis fuit; Secunda, Lybica; Tertia, Delphica: Quarta, Cumæa, quæ in Italiâ vixit: Quinta, Erythræa, quæ Graiis Ilium petentibus vaticinata fuit, perituram esse Trojam. Sexta, Samia: Septima, Cumana, quæ à Virgilio Deiphobe; ab aliis Amalthea nominatur: Octava, Hellespontiaca: Nona, Phrygia: Decima, Tyburtina; quæ omnes illud unicè egerunt, ut à Judæis magnam partem Oraculorum suorum acciperent, & Leges, tam Divinas, quam Humanas inter homines propagarent.

O Praclara hæc! Jam ad Romanos si progressum fecerimus, inveniemus à Regibus, eorumq; manu, primitus omnia fuisse gubernata.

C

Etenim

143.

Hist. IX.
Propos:

Ratio.

Hist. X.

Etenim, non poterunt Studiosi Juris ignorare, quod cùm aucta esset ad aliquem modum Civitas, ipsum Romulum, Romanum populum in triginta partes divisisse, quas Curias appellavit; Et Leges quasdam curiatas, ipsum tulisse ad populum.

Seqentes quoq; Reges, Leges tulerunt; qvæ omnes conscriptæ exstiterunt in libro Sexti Papirij: qui fuit illis temporibus ex principalibus viris; qui liber appellatus fuit Jus Civile Papirianum, non, ac si Papirius de suo qvicquam ibi adjecisset; sed quod Leges sine ordine latae in unum composuisset.

Non dixerim, quod exactis deinde Regibus, lege Tribunitiâ, omnes illæ Leges exoleverint: & populus Romanus incerto magis jure & consuetudine propæ per viginti annos uti ceperit.

Hab. XII. lib. I. ff. 1.
2. 3. 4. Illud dixero, quod inde placuit, publica authoritate decem constitui Viros, per quos peterentur Leges à Græcis Civitatibus, ut Civitas fundaretur Legibus, quas in tabulas eboreas præscriptas, pro Rostis componuerunt, ut possent Leges apertius percipi; datumq; est Jus eis eo anno in Civitate summum, ut Leges & corrigerent, & si opus esset interpretarentur, neq; provocatio ab eis, sicut à reliquis Magistratibus fieret. Qui ipsi animadverterunt, aliquid decesse in primis Legib⁹: ideoq; seqventi anno alias duas ad easdem adjecerunt, & ita ex accidenti appellatae sunt Leges duodecim Tabularum; quarum ferendarum authorem fuisse Decemviris, Hermodorum quendam Ephesium, exulanten in Italiâ, quidam retulerunt.

Hab. XIII. Tandem cùm, Deo itâ disponente, C. Julius Cæsar inchoaret Quartam Monarchiam, & illa plurimū ab Augusto esset amplificata; ad felicitatem Imperato-

ris

ris Augusti hoc accessit, quod, ut ait Treuterus in Elegie Romanorum Imperatorum, anno illius Imperij XLII, natus est Salvator noster Jesus Christus, qui optimus Legum fuit interpres.

Etenim, ut pulcrè inquit Tholosanus; Misertus est Deus in peccatum prolapsi Hominis, & pluribus modis lapsam ejus fragilem naturam testaceam, restituere suo pristino splendori aggressus est; intrinsecus mentes humanas excitando & illustrando; & extrinsecus plura præcepta per se & Verbi sui Nuntios præscribendo: & postremo loco mittendo Filium suum unigenitum, verum Deum, & carne assumptā quoq; Hominem, Dominum nostrum Jesum Christum, qui voluntatem Patris manifestius explanavit, & abscondita revelavit, nostræq; servitutis redemptionem operat⁹ est & salutem, reconcilians nos Deo Patri: atq; simul bona præcipua, qvæ oblii eramus, ut cognitionem rerum & nostrum ipsorum, nota fecit, ut Deum ipsum cognosceremus. Qvamobrem ante Domini nostri Jesu Christi descensum de Cœlis, & assumptionem nostræ carnis, ante prædicationem & Legem ejus, nunquam Boni & Æqui vera & perfecta cognitio haberi potuit: neq; apud ipsos Judæos, qvorum ex parte, maxima velata erat mens, & secreta, & incognita mysteria illis familiaria: qvæ postea palam facta, omnium figuratum velo & umbris depulsis.

Fateor interim, etiam nunc infinitam propedium multitudinem eorum inter mortales esse, qui in errore antiquo & cœcitate inveteratè degunt: & illud superaddo, inter Christianos, proh! sponte suâ adhuc plures esse, qui peiores illis sint.

Veruntamen, non ideo minus lucet Divinæ Sapientiae

entia inter homines jubar, qvod isti sponte suâ cœci
esse velint: Nec Solis splendor ideo deficit, qvod quidam vias & fenestras ejus radiis occludunt: Sed eò magis perniciosiores, qvod oblatam Dei notitiam, consultò rejiciunt; vel segniter ut recipient, se parant.

Expedita certè nunc æqui & boni ratio, & una regula concepta; ut omnia, qvæ cogitamus, dicimus & facimus, sint Dei voluntati & mandato ejus consona.

O Christum Dominum nostrum, Legum Interpretem optimum! Interim cognoscamus qvæso, Legum Romanarum qvi progressus fuerit, idq; velut per ætas quasdam Juris, putà Infantiam, Adolescentiam, ætatem ad morbum ingraescentem, & à morbo reconvalescentem.

Sanè, Infancia Juris fuit ante Justiniani tempora.

Qvippè, audivisses in foro tum loquentes, præter Publum Papirium, qvi Leges Regias in unum conuerterat, ipsum Appium Claudium, Sempronium, Gajum Scipionem Nasicam, Quintum Mucium, Tiberium Coruncanium, Sextum Ælium, Publum Attilium, Catonem, Marcum Catonem, Publum Mucium, Brutum, Manilium, Publum Rutilium Rufum, Paulum Verginium, Quintum Tuberonem, Sextum Pompejum, Cœlium Antipatrem, Lucium Crassum, Quintum Mucium, Aqvilium Gallum, Balbum Luccilum, Sextum Papirium, Gajum Juventum, Servium, Alfenum Varum, Gajum Aulum Ofilium, Titum Cæsiuum, Aufidium Tuccam, Aufidium Namusam, Flavium Priscum, Gajum Atejum Pacuvium, Laberonom Antistium, Cinnam, Publicium Gellium, Trebatium, Aulum Caseelium, Quintum Mucium, Tuberonem,

145

heronem, Atejum Capitonem, Antistium Labeonem, Massurium Sabinum, Nervam, Gajum Cassium Longinum, Proculum, Nervam, Longinum, Cœlium Sabinum, Pegasum, Priscum Javolenum, Celsum, Celsum filium, Priscum Neratium, Aburnum Valentem, Tuscanum, Salvium Julianum; & qvis omnes tum temporis doctissimos Juris & Legum enarrare poterit?

Tunc vidilles Codicem Gregorianum, sic dictum à studioso Gregorio, qvi eum librum collegerat; & continebat Constitutiones Imperatorum ab Adriano usq; ad Valerianum & Gallienum.

Legebatur Codex Hermogenianus, ab Authore sic dictus; & continebat Constitutiones Claudi, Aureliani, Probi, Cari, Carini, Diocletiani, & Maximiani.

Erat & Codex Theodosianus, ab ipso Imperatore Theodosio ita dictus; qvi jussit colligi Constitutiones Imperatorum indè à Constantino Magno, usq; ad sua ipsius Theodosij tempora.

Hinc altera Jurisprudentia ætas, scilicet Adolescentia Juris, incepit sub Justiniano.

Etenim, Justinianus consors Imperii factus ab a-
vunculo suo Justino Seniore, à qvo adoptatus est Calendis Aprilie anno post natum Christum D XXVII. cum eo imperavit mensibus quatuor. Siqvidem Justinus quarto post mense exacto, Calendis Augusti die suum obiit, & imperium Justiniano reliquit. Hic Justinianus sequenti anno, qvi fuit annus Christi D XXVIII. Idibus Feb. Codicem fieri mandavit. Et cum Sacratissimas Constitutiones ante confusas, in luculentam erexisset consonantiam: tunc suam extendit In Processe Infr. 5.2. curam ad immensa Veteris prudentia volumina: & Digesta, illud opus desperatum, quasi per medium.

profundum incedens, Cœlesti favore adimplevit. Postea Triboniano viro Magnifico, Magistro & Exqvæstori Sacri Palatij, & Exconsuli, nec non Theophilo & Dorotheo, viris Illustribus, Antecessoribus, convocatis, mandavit specialiter, ut Imperatoris auctoritate atq; lsvationibus Institutiones componerent.

Postea cùm exstarent Justiniani plures de variis rebus Constitutiones, & in his eæ, quæ communiter Qvinquaginta Decisiones nominantur; Codex Justinianæ novus, 16. cal. Decem. Anno Christi 534. est editus, ideò partim, ut Imperator posteriores Constitutiones in eundem librum referret; partim, ut quæ ex superioribus mutataæ atq; abrogataæ erant Leges, ex eodem libro tollerentur.

Indè seqvuntur Novellæ; sic dictæ, quod sint Leges novissimè promulgatæ, post Codicem Justiniani repetitæ prælectionis.

Et cùm Julianus Patritius Exconsul, Constitutiones illas Asiaticâ luxuriâ diffusas, Attico & compendiose stylo, Latinè translatisset; hoc opus appellavit Authenticum, qvoniam ex ipso Græco originali ad literam velut traductum.

Novellis conjunguntur XIII. Edicta Justiniani, quæ non ad certum aliquem populum aut gentem scripta, sed in genere sunt promulgatae.

Et alias duas Constitutiones Julianus Antecessor retulit, ab eodem Justiniano compositas, quarum prior Sanctio est pragmatica, varia continens capitula; posterior, est de adscriptitiis & coloniis.

Sanè, Imperatores Justinianum seqventes, etiam ipsi Constitutiones fecerunt, quarum licet illis temporibus, quibus siebant, aliqua fuerit auctoritas; ho-

di

diè tamen in foro est nulla; in Regiis Scholis, per quam exigua; ut earum cognitio non videatur tantoper esse necessaria.

Hinc, secura est Juris Ætis ad morbum ingrave-
scens.

Etenim, elapsis vix quadraginta annis à morte Justiniani, cum dignitate imperii Romani, (deficien-
tibus videlicet Hispanis, Gallis, alijsq; occidentalibus
populis) Legum etiam studium atq; disciplina ita labi
cepit, ut in Occidente quidem nulla earum amplius
haberetur ratio; in Oriente etiam ob motus Saraceni-
cos, non admodum magna.

Leo Imperator, cognomento Philosophus, Justi-
nianum imitari voluit; Pandectas collegit sex volumi-
nibus, & sexaginta libris distinctas: mox Novellas suas
CXIII. superaddidit; quæ licet quædam corrigan de
jure Justinianæ; tamen auctoritatem ejus juris in-
fringere non potuerunt. Et sanè, nec ipsis D. Leonis
tempore in usu fuere, nisi in ijs casibus, qvi antè in ju-
re non fuerunt expressi.

Postea ExArchî in Italiâ multos dedere motus:
Qvin imò, cùm in Italiâ longè lateq; jam grassarentur
Hunni, Vandali, Longobardi, & Gothi; hi in eam in-
voxerunt jura sua peculiaria, qvoruti pars ea, quæ de
Feudis adhuc exstat, non fuit postrema, & jam in Cor-
pus Juris Justinianî relata est, & vim Legis obtinet.

A. J. Ætatem Juris, quâ à morbo tempore Caro-
li Magni reconvaluere Leges, mecum, quæso, jam co-
gnoscite.

Etenim, Carolus Magnus varias Scholas in Occi-
dente instituit, & literas liberales, illarumq; Cultores
unicè promotum ivit; verūm Jus Justinianum quod

146.

Trans: p.
membr:

Ratio I.

2.

3.

Trans: 4.
membr:

Ratio II.

12

in Occidente omnino exoleverat, in totum revocare non potuit; undē factum est, ut in Occidente, usq; ad tempora Lotharij Imperatoris, qvi regnauit circa annum Christi M C XXV, maximā ex parte Jus hoc incognitum fuerit: Siqvidem hujus Imperatoris tempore, Irnerius Wernerus Ictus, libros Legum Romanarum, eversā Melfitanā Civitate Apuliae in Bibliothecā à Pisanis repertos evulgavit, atq; ita jura Justinianae Occidenti, quasi postliminiō restituit, & Imperatori persvasit, ut libros Juris Civilis publicè proponi curaret.

Postea etiam ab aliis Imperatoribus Constitutiones in Comitijs Imperij sunt promulgatae, quas Recesus Imperij communiter vocamus,

Hæc dum aguntur, en, jus Canonicum Pontifices compilare atq; proponere inceperunt.

Etenim Gratianus qvidam S. Proculi Monachus apud Bononiam, Regulas illas, quæ Canones vocantur, in unum volumen circa annum Christi M C LI, tempore Eugenij III. Pontificis, qui illud sibi postea oblatum confirmavit, imperante in Occidente Conrado III. concessit; quod volumen unā voce DECRETUM dicitur, quoniam in eo Decreta, id est, definitiones atq; decisiones Synodorum vel Patrum, vel Pontificum continentur.

Hinc secutum est volumen Decretalium, scilicet Epistolarum; quod qvidem volumen non uno tempore editum est: & proinde in tres partes dividitur; Quarum prima, in specie retinet appellationem Decretalium; & composita est à quodam Raimundo, Capellano Gregorij IX. Pontificis, qui eandem confirmavit circa annum Christi M CC XXXI. tempore Friderici II. Imperatoris: & libros quinque complectitur.

Altera

149.

Altera pars dicitur, LIBER SEXTUS, vel si-
pliciter Sextus, eò, quod proximè seqvatur quinque li-
bros Decretalium Gregorij; atq; ita sit editus, ut sic
liberille in numero istarum Decretalium Sextus.

Tertia pars est Constitutionum à Johanne XXII. Pontifice editorum, quæ iterum partibus duabus di-
stingvi solet, quarum prior dicitur Clementinæ, eò,
quod in eas relatæ sint Constitutiones Clementis V.
Pontificis, ab ipso conceptæ anno M CCCVI. sed pro-
mulgatae demum ab eodem die XXV. Octob. anno
M CCCVIII. Ludovico V. in Occidente imperante.

Posterior pars dicitur, Extravagantes, eò quod
Decretales in illam relatæ, & à Johanne XXII. edi-
tæ, extra librorum Juris Canonici textum freq-
uentantur.

Et qvidem Pontifices, qui fuerunt post Johannem
XXII. suas Decretales epistolas etiam ediderunt, qua-
rum summa, atq; earum etiam quæ post Gregorium
IX. promulgatae sunt usq; ad Sextum V. Pontificem,
Lugduni ante aliquot annos prodierunt. Quid? & Gre-
gorius XIII. nonnullis Decretis & Decretalibus Juris
manus admovit: & alij Pontifices, idem sequti
sunt.

Quin imo tempore Pauli IV. Pontificis, Paulus
Lancellotus, Institutiones juri Canonici composuit
circiter annum Christi M D LV. & tandem jussu Gre-
gorij XIII. Corpori juris Canonici sunt additæ.

Sic cum à tempore Caroli Magni reviviscere in-
ciperent jura; subseqventia secula ICtos tulerunt ad-
modum eximios.

Etenim, ut superius diximus, Irnerius Werne-
rus Germanus, in Italiâ publicè docere incepit. Irne-

Ramus XI.

D

xij

ij discipulus fuit Placentinus; hunc secuti sunt Bagarodius Rodfredus, Johannes Daisianus & Antonius Lya anno Christi 1190. Hinc Martinus, Azo, anno 1200. Accursius sub Frederico II. Petrus Vinea, Bernhardus & Odofredus, anno 1240. Hostiensis, anno 1255. Speculator, anno 1261. Seqvuntur Bartholus Brixensis, Albertus Galeotti, Johannes de Deo, Jacobus de bello Visu, Ipho, & Dynas Magellanus, qvi mortuus Bononiæ anno M CCCIII.

Hinc seculum XIV. fuit verè Juridicum, & inter ceteros Jurisconsultos maximè excelluerunt Bartolus & Baldus.

Inde à nato Christo seculo XV. innumeris floruerunt ICTI, è quibus Celebriores sunt, Franciscus de Zabarellis, Johannes de Immola: Panormitanus, Paulus de Castro; Guido Papa, Johannes Baptista Cacialupus, Bartholomaeus Capolla; Marianus Socinus, Jacobus de Puteo, Johannes Maria; Andreas Siculus Barbatia; Lancellotus Decius.

Seculo XVI. claruerunt, Johannes Schneidvin, Philippus Decius, Everhardus de Mittelburgo, Franciscus de Ripa, Ulricus Zasius, Oldendorpius, Budaeus, Alciatus, Franciscus Duarenus, Egvinarius Baro, Tiraqvillus, Corasius, Giphanius, Gujacius, Wenbecius, Hottmannus; Donellus.

Hoc nostro seculo XVII. clarent, Cotmannus, Matthias & Joachimus Stephani, Vultejus, Goeddæus, & consimiles Antecessores admodum conspicui.

Et quidem prædictas scire historias, LL. Studiosis in hac Regiâ Academiâ Dorpatensi viventibus, unicè est necessarium; quandoquidem, Sereniss: ac Potentiss:

148.
tiss: Princeps ac Dominus, Dn. GUSTAVUS ADOLPHUS, Svecorum, Gothorum, Vandalorumq; Rex; Magnus Princeps Finlandiæ; Dux Esthonie & Carelia; Dominus Ingræ &c. Rex qvondam noster Clementissimus, nunc Beatissimus; in statutis Regiæ hujus GUSTAVIANÆ Academiæ, qvæ Dorpati est ad Embeccam, clementissimè statuit; ut sit Professor Juris, qui secunda pomeridianâ Institutiones Juris Civilis profiteatur, detq; operam, ut è naturalibus Ethicæ & Politicæ principijs, in primis è Sacra Scripturâ, qvæ omnium honestarum LL. fundamentum meritò censetur, quotiescumq; opus visum fuerit, rationes deducat magis, qvam ex non necessarijs Interpretum allegationibus & varietate.

O præclarum & Regium statutum; quo ad ipsa sa-
erarum Legum primordia à SS. Reg. Maj. Clemen-
tissimè vocamur! Et, o præclarum statutum, quo LL. Studiosi, ad Juris Civilis tam Romani, qvam inclyti
Regni Svecici notitiam vocantur!

Etenim, in statutis Regiæ hujus Academiæ inter cetera ita scriptum legimus: Primus ex Juris Professoribus, Jus Civile Svecorum explicabit, & ejus cum Romanis Legibus collationem instituet; idemq; ex jure Civili Romano & Canonico selectas Juventuti proponet materias: & ex illis quæstiones formabit, ad Regni Svecici statutum accommodatas.

Proinde ut nihil antiquitatis nobis sit incognitum, qvæ Juris SS. Regni Svecici sint primordia, & qui progressus, paucis Historiæ enarrabo.

Sic, uti superius dixi, Romanis Romulum; & Hisp. I. Vid. Dn. Italis, Pythagoram Leges qvondam condidisse, cer- Messenius in tum proæ. LL. Svecorum.

rum est; eorum deinde allorumq; sapientissima statuta, ad alias progressu temporis vel integra, vel non nihil immutata, permanarunt pedetentim Nationes, & ad inclitam gentem Svecicam, Deo annueate, pervenerunt.

Sic enim admirandus ille Zamolxis, in diuturno Pythagoræ obseqvio, fideliter æquitatis Normas percepit, & inde ad suos Sympatriotas, Gentem Scythicam putat, postliminiò reversus, easdem illi studiosè inculcavit. Et Scythurum populus saluberrimus hujus Zamolxis auscultans dogmatibus, promeruit deinceps mortalium æquissimus compellari.

Nec mirabitur aliquis, quod Svecos vocaverim Scythias.

Etenim vetustissimorum, eorumq; celeberrimorum Chronographorum suffragio, ut Isidori, Josephi, Jacobi Bergomensis, Hermanni Schedels, & Petri Trecensis, liquidum est; Scythes, Svecos, Getas, & Gothos; eundem prorsus extitisse semper populum, & aliarum duntaxat Nationum idiomate variato compellatum nomine.

Proinde infallibili nobis licet conjecturâ jam colligere, primas fermè Svecorum, Gothorumq; Leges, à Zamolxe conditas esse; quibus illi postea diuturno seculorum discursu illibatè fruebantur, donec progrediente tempore Svecorum Gothorumq; Reges, aliquam, pro temporum & rerum conditione, his mutationem intulerunt, partim ex Jure Naturali, partim Divino, Canonico & Imperiali advocatione.

Nam Ingo II. operâ prudentissimi Legislatoris Vigeri Spad, circa annum salutis D CCCC, insignem Juris Svecici emendationem perfecit.

Tanti

149

Tanti Regis exemplo atq; necessitate deinceps compulsi, Ericus VIII, Olaus Skotkonung, Stenillus, S. Ericus, Canutus anno M CLXVIII, Carolus VII, Jerlerus anno Millesimo Ducentesimo Qvinquagesimo primo, non mediocrem Juris Svecici appararunt reformationem, gentilitatis abominationibus inde passim extirpatis; & illud Legibus Christianis dum conformarunt.

Rex Birgerus fuit, qui consummationi ejusdem adhuc plurimum deesse comperiens, anno M CC XCV. Viro æquissimo Dn. Birgero Petri, Diva Birgittæ Parenti & Legifero Uplandiarum, XII, Legum peritissimis Viris ipsi auxilio assignatis, revisionem Legis commendavit; quam feliciter postmodum absolutam, sequenti anno diplomate suo Regio confirmavit.

Postea cum Christophorus Sveonum imperio esset potitus, & insignem Justitiae perturbationem in Repub: Svecanâ advertisset inde provenire, quod Provincia Regni quælibet fermè peculiaribus in eum diem auscultaret Legibus, quæ à memorati Juris occidenti non mediocriter exorbitarent observantia; ut illam ataxian & deformitatem, velut Regno perniciosa, quantocius exturbaret; & in posterum Svecia, Juris absolutissimum unanimiter sequeretur trahit; Reverendo in primis Viro Dn. Nicolao Raugaldi, Archipræsuli Upsaliensi, anno Millesimo Quadragesimo quodagesimo primo, exactam Legis Svecicæ commisit compilationem. Et Antistes Regis satisfacturus voluntati, ex dispersis & vagabundis Provinciarum Legibus, primaria Juris documenta decerpens atq; corradens, unum generale Legis vol-

D

men

men concinnavit, qvod vigore Diplomatis Regij prætinis est roborum; & Regia inhibitio pariter est ap-
posita, ne quispiam Svecorum & Gothorum aliarum
in posterum Constitutionum robori obsequeretur. Et
fuit omnibus in S. Regno Svecico viventibus res hæc
tam grata, ut inclita gens Svecica hunc Legum Codicem
in hodiernum usq; diem in quibuslibet dirimendis
controversijs, velut regulam Justi & Injusti adhi-
beat, & obedienter eidem auscultet.

*Confut: e-
jusq; I. Oc-
cupat: &
Solut:*
Jure isto Ecclesiastico, qvod velut Romanæ doctrinæ
conforme, incliti Sveones secundum prisci dogmatis
renovationem sibi eminens abeundum decreverunt.

Seren. & Potentiss: Rex Carolus IX, id cum intel-
ligeret, in generalibus Norcopiæ Comitijs, anno Mil-
lesimo Sexcentesimo quarto, concordi omnium Or-
dinum assensu, clementissime statuit Juris Svecici re-
visionem atq; illustrationem quandam esse instituen-
dam; Verum, cum, proh! mortalitate præoccupare-
tur, tam præclarè decreti executionem Gloriosissimis
suis Regibus Posterioris assignavit; Interim suo voto ex
ea tantum parte satisfacere potuit, ut Jus Svecicum
non sine pulcerimâ castigatione, anno Millesimo
Sexcentesimo Octavo, è prælo calcographico pri-
mò omnium publicaretur, cum anteà Amanuensium
duntaxat operâ, & id quidem, admodum difficulter &
raro, Sveonibus obveniret.

z. Occupat.
Interim nemo purabit, qvod Jure Ecclesiastico
gens hæc inclita careat.

Etenim, incliti Svenones in Ecclesiasticis, cum
ob dictas rationes majori ex parte, non utantur jure
antiquo illo Ecclesiastico, in Legibus Svecorum de-
scripto

scripto; tamen illius vice, donec emendatus prode-
at, utuntur Jure Divino, Ordinatione Ecclesiastica,
& Synodalibus quibusdam Decretis.

Nec verò quis nobis obijciat, alium jam esse mo-
dum sublimandi Regem in Solium Regale, quād qvon-
dam fuit:

Etenim illud certum est, qvod Serenissimi Sve-
corum Reges à Gustavi I. temporibus, usq; ad hæc
tempora, per Successionem, & non per Electionem
Regni Diadema capessant.

Etenim anno Christi supra millesimum qvingen-
tesimum quadragesimo quarto; unanimi & libero e-
mmium Ordinum consensu, Arosiæ Legis illius, qvæ
lib. 2. cap. 3. continetur, solennis quædam facta mu-
tatio.

Nec est, qvod quis nobis obijciat, insimul alios 4. Occupat,
casus in inclito Jure Svecico existare, qui in usu non sint
quotidiano.

Etenim, illi notum esse volo, qvod est in Institu-
tis Juris Civilis, De J. N. G. & C. §. II. Qvod Leges
Politicae sœpius mutari soleant, vel tacito consensu po-
puli, vel aliâ postea Lege latâ.

Et qvis ignorat, qvod temporum, Indigenarum
& rerum commoditas aut difficultas, subinde aliquid
novi in alijs etiam Regnis afferat.

Nobis scire sufficit, qvod haec tenus illa capita ob
veneranda antiquitatis Majestatem, in ipso Legum
Codice, nedum sint variata; qvod tamen, si Deo ita
visum, si SS. R. M. & unanimis atq; liber omnium
Ordinum consensu accesserit, propediem aliquando
futurum esse, submissè speramus.

Sic Deo dante fiet, ut plenè aliquando intelliga-
mus,

imus SS. Regni Leges, qvarum summa juxta quindecim Legum Svecorum Gothorumq; libros his versiculis continetur:

- (1) Lex sacra: (2) Rex: (3) Sponsus: (4) Heres:
(5) Terra: (6) Aedificetur.
(7) Contrabito: (8) Placites: (9) Regijurata teneto.
(10) Effugito penas capitales: (11) Non homicida

Esto volens, (12) Casuverè: (13) Cave vulnus violentum,
Aut (14) Casu factum: (15.) Fur & plectatur iniquus.

Audivisti, A. J. qvod Deus Ter. Opt. Max. è Divina suâ Bonitate nobiscum Leges communicaverit: percepisti, qvomodò venerandi Dn. Patriarchæ Leges Divinas atq; Naturales propagaverint: Intellexisti, qvod Dominus noster Jesus Christus verus fuerit Interpres Legum, & qvod ante Dn: nostri Jesu Christi descendens de Cœlis & assumptionem nostræ carnis, & ante publicam prædicationem & Decalogi interpretationem, nulla unquam Boni & Äqui vera & perfecta cognitio fuerit: Scitis, qvomodò in Imperio Romano Leges sint compositæ & promulgatae: Exosculamur, qvod Divina bonitas prisco illo ævo, in Regnum hoc inclytum Svecicum Legum primordia introduxit: Devenieramus Serenissimos & Potentissimos Principes & Dominos, Gloriosos puta Reges Svecorum Gothorum & Vandalorum, Reges & Dominos nostros qvondam

151
qvondam Clementissimos, nunc Beatissimos, qui Sacro-Sanctas illas Leges confirmarunt, ampliarunt, conservarunt.

O Divium donum & bonum Leges! qvæ sunt omnium divinarum & humanarum rerum Reginæ: qvæ sunt Præsides & Bonis & Malis: qvæ sunt velut Principes & Duces; qvæ sunt Regulæ Justorum & in-justorum, & eorum, qvæ naturâ Civilia sunt, animantium: qvæ sunt velut præceptrix faciendorum, prohibitrix autem non faciendorum.

Deus ter Opt. Max. Leges Sacro-Sanctas clementissime conservet: Serenissimam & Potentissimam Principissam ac Dominam, Dn. CHRISTINAM, Svecorum, Gothorum, & Vandalorum Reginam; Magnam Principissam Finlandiæ; Ducissam Esthoniz & Careliaz; Dominam Ingriz, &c. Dominam & Reginam nostram Clementissimam: Et Illustrissimos Regni Proceres, Spiritu suo Sacro-Sancto regat, & Sanctorum Angelorum exercitu tegat; qvò S. Stæ Reg. Maj. pectora, Juris & Äqui sint scrinia. Sit Inclyla Dn. Regina Lex animata; & Celsissimi Dn. Senatores, sanctæ Justitiae conservatores & amatores: sic, Christo Du-
Amplifica-
tio. l. 2. f.
de Leg.
Affectione
motio.

Regis ut Aula ferat, qua Regis ò Aulare-
quirit:

Numinis Ara ferat, qua Numinis Arare
quirit.

D I X I.

E

Doctiss.

Doctissimo & Ornatisimo
DN. PER ORANTI.

HERMANNUS REDERVS;

Per Anag. h negl.
RE DVRES NVMERANS.

D Octe Novenarum Cultor Studiose
Sororum
HERMANNE, Eunomiæ deli-
ciumq; Deæ:

Sic benè dinumeras felicia jura Quiritum;
RE DVRES NVMERANS jura
beata fori!

Sic benè dinumeras felicia jura Svecorum;
RE DVRES NVMERANS jura
beata fori!

RE DVRES NVMERANS! Majori-
bus ire per altum
Poscunt te auspiciis Numinis, sancta
Fides.

Quod animitùs app.'

LAVRENTIVS LUDENIVS Pb. &
J. V. D. Profes. & pro t. Vniv. Rector,
Sanci-

152.
Sancitas Leges servat Romana propago,
Qvæ vitæ Sanctæ vincula firma fovent:
Qvæ monitis Sanctum fieri solennibus urgente,
Et mentes placidas stante vigore tenent,
Has Leges claris qvod rerum ambagibus edis,
Grator primitiis, Frater amande, tuis.
Svavibus illæ etenim demulcent pectora verbis,
Et spirant variis integritate modis,
Felix, si studio nunquam discedis ab illo:
Tempora provenient, qvandò disertus eris.
Hinc semper Genio tali utere, dote supremâ
Utere, qvæ Cœli Numine dante venit.
Romanâ conjunge Æqvum sum Lege Svecanum;
Sic tibi judicium Dexteritatis erit,

Debiti Honoris & Synceri affectus ergo
suo Dn. Fratri & Amico ut certissi-
mo, ita longe fravissimo gratulatur

Johannes Vallander, Libo-
viâ-Curlandus.

Sunt, quib⁹ unum opus est graciles assumere mores,
Eniti ad Musas nec revocare gradum.
Tu quoq; delicum Musarum Nobile, REDER,
Exornas mores artibus ingenuis.
Sic age; Nam quondam calamo trivisse labellum
Dulce erit, & Patriæ Laus eris atq; Decus.
Hoc precor. Hoc capias nostri ceu pignus amoris:
Sum Tuus, & semper sis Meus. Vsquè Vale.

T.
GEORGIVS GOETSCHIUS
Stetin, Pomer.

N*unc*, HERMANNE, tibi laudemque decusque mereris
Et facis officii munia recta tuis:
Dum tam sanctas depingis ritu Quiritum
Leges, quam Gothica & Specica jura referis.
Gratulor, atque tibi Deus Omnipotens precor adfis:
Sic dexterè in studiis pergere, dulce decus.

Non tam honoris, quam amoris
ergo apponebat

MARTINVS MASIVS

Razeb: Saxo.

